



Inatsisartunut ilaasortaq,  
Hans Enoksen, Partii Naleraq  
/ Maani

**Aalisarfiit pisassiissutitaqarfiunngitsut pillugit § 37 naapertorlugu apeqqummut nr. 133 / 2019-mut akissut**

*Aalisarfiit pisassiissutitaqarfiunngitsut* pillugit inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit suliassaqaqfigisannit akineqartussanngorlugit innersuunneqarput.

**Apeqqut 1:**

**Qaqugu Naalakkersuisut aalisarfiit pisassiissutitaqarfiunngitsut matuniarlugit pilersaaruteqarpat?**

Akissut: Qalerallit pillugit Nalunaarutip atuuttup allannguuteqartinnissaanik suliaq suli Naalakkersuisuni oqaluuserineqanngilaq. Eqqorpoq qalerallit pillugit Nalunaarummut nutaamut siunnersuusiortoqarmat aalisarnermik inuussutissarsiuteqartunut tusarniutaasimasumik, siunnersuummilu Nalunaarummut atuuttumit allannguutaasussat arlaqartut sularineqarlutik. Tusarniarfigineqartunit akissuteqaatinik APNN tigusaqarpoq tamatumalu kingunerisaanik Nalunaarut Naalakkersuisunut oqaluuserisassanngorlugu suliassanngussalluni.

**Apeqqut 2:**

**Naalakkersuisut qaammatikkaartumik qaleralittassiissutinik agguasarniarpat?**

Akissut: Pisassiissutit qaammatikkaarlugit agguarneqartareerput.

**Apeqqut 3:**

**Imaluunniit Naalakkersuisut tamakkiisumik ingerlaannartumik qaleralittassiissutit ukiumut agguanneqareersimasut aalisarneqarnissaat siulliukkusunneruaat?**

Akissut: Naamik

Inussiarnersumik inuulluaqqusillunga

Nikkulaat Jeremiassen

Aalisarnermut Piniarnermut Nunalerinermullu Naalakkersuisoq

Ulloq:18-03-2019  
Suliap nr.: 2019 - 6477  
All. nr.: 10222184

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl



Inatsisartut suleriaasiat § 37 malillugu immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara.

**Naalakkersuisunut apeqqut:**

- 1. Qaqugu Naalakkersuisut aalisarfiit pisassiissutitaqarfiunngitsut matuniarlugit pilersaaruteqarpat?**
- 2. Naalakkersuisut qaammatikkaartumik qaleralittassiissutinik agguaasarniarpat?**
- 3. Imaluunniit Naalakkersuisut tamakkiisumik ingerlaannartumik qaleralittassiissutit ukiumut agguaanneqareersimasut aalisarneqarnissaat siulliukkusunneruaat?**

(Inatsisartunut ilaasortaq, Hans Enoksen, Partii Naleraq)

**Tunngavilersuut:**

Aalisarnermut, Piniarnermut Nunalerinermullu Naalakkersuisoq tusagassiorfinnut oqariartuutingaa aalisarfiit pisassiissutitaqarfiunngitsut matuneqassasut. Oqaatiginngilaali qaammatikkaartumik qaleralittassanik agguaasarnissartik imaluunniit qalerallit pisassiissutigineqareersut aalisaqqaarneqassanersut.

Apeqqutit ullut qulit suliffiusut iluani akineqarnissaat kissaatigaara

**Inatsisartunut ilaasortaq Hans Enoksen**

Imaneq 1, Postboks 4120, 3900 Nuuk, E-mail.: [hans@inatsisartut.gl](mailto:hans@inatsisartut.gl) Nittartagaq.: [www.partiinameraq.gl](http://www.partiinameraq.gl)  
Oqarasuaatit.: +299 34 50 00 Toqqaannartoq.: +299 34 62 Angallattagaq.: +299 554408